

2019

AÑA DI FAMIA Y
DI CUIDO DI NOS
MUCHANAN

ISLA(•)NLINE



Dialuna 28 October 2019

Email: prensa@arubagovernment.aw Tel: 528-4900



GOBIERNO DI ARUBA

ADMIRA Y CONSERVA
NOS NATURELESA

ISLA ONLINE

NOTICIA DI GOBIERNO

OCTOBER 2019



MINISTER EVELYN WEVER-CROES

PROME MINISTER DI ARUBA

Gobierno di Aruba a reuni cu CAFT

CAFT TA RECONOCE CU GABINETE WEVER-CROES TA TUMANDO PASONAN PA SOLUCIONA E PROBLEMA FINANCIERO DI ARUBA

Conseho di Minister a reuni cu CAFT diabierna ultimo. CAFT di su banda a trece padilanti cu e debe di pais Aruba ta hopi halto, y p'esey mester tuma decisionnan structural pa baha e debe. Gobierno di Aruba lo cuminsa baha e debe na aña 2020, momento cu e prome surplus wordo realisa riba presupuesto.

Pa loke ta trata e aña 2019, CAFT a indica cu e norma palabra lo wordo alcansa, y a expresa su reconocemento pa e esfuersonan di Gobierno pa logra y hasta ta muestra cu nos lo ta miho para cu den e protocol ta indica.

CAFT a expresa e preocupacion pa cu gasto di personal. Ta hopi importante pa por controla nan miho y pa baha e gastonan aki. E unico forma cu pais Aruba por sali sigur di e problemanan financiero, ta si baha e gastonan di personal. Tambe CAFT a enfatisa e importancia di e Reforma Fiscal, pa asina garantisar e entradanan di gobiernonan den futuro.

Di parti di Gobierno, Minister President Evelyn Wever-Croes a describi e desaroyonan positivo di nos pais. Economia y turismo ta creciendo, desempleo ta bahando, y pa prome biaha den hopi tempo ta trahando riba un presupuesto balansa, sin deficit. Ta p'esey Minister President a expresa su desapunto pa e conseho di CAFT pa duna Aruba un aanwijzing y a indica cu Gobierno ta manteniedo su mes na e normanan palabra cu Hulanda. Tambe pa loke ta trata e fondo di Sociaal Crisisplan, Gobierno di Aruba ta manteniedo su mes na palabracionnan. P'esey Gobierno ta desapunta cu toch CAFT ta conseha pa manda Aruba un aanwijzing.

Tambe a elabora riba e retonan, entre otro riba e tema di Venezuela y e situacion cu refinaria. E reunion a bay den bon esfera. Ta obvio cu CAFT ta sigui preocupa y lo kier mira Gobierno tuma mas paso pa garantisar cu Aruba lo no cay nunca mas den e problemanan financiero cu nos pais ta aden. Gobierno tambe ta comparti e pensamiento ey.

"Tanten cu nos Gobierno ta na mando, mi por garantisar un bon



maneho financiero di nos pais. Locual cu nos mester evita ta pa nos pais cay bek den man di gobernantenan irresponsabel cu a redobla e debe di nos pais y riba dje tabata tin e curashi di pidi cada ciudadano pa paga e debe bek, cu orguyo. Riba cada baby cu nace awe tin un debe di 40 mil florin. Esaki ta e resultado di e peor maneho financiero cu nos pais a pasa aden. Entrante otro aña e rumbo ta cambia y nos ta cuminsa paga debe bek. Pa asina crea un miho futuro pa nos yiunan y nan yiunan" Minister President Evelyn Wever-Croes a duna di conoce

Gobierno di Aruba ta atendiendo cu baha gastonan di personal: FOR DI 73 PERSONA ENCONTRA DEN OVERTOLLIGHEIDSPOL, GOBIERNO A BAH'E TE NA 30



Den e reunion cu Consejo di Minister diabierna ultimo, CAFT a trece dilanti diferente puntonan di preocupacion tocante gastonan di personal. Riba esakinan, Prome Minister Evelyn Wever-Croes durante conferencia di prensa di Gobierno di Aruba dialuna mainta, a indica cu Gobierno di Aruba tin su preocupacion y atencion tambe.

Un tema sigur importante ta esun di overtolligheidspool. Gobierno di Aruba a informa CAFT cu dia cu a drenta gobierno, tawata tin 73 persona den ta overtolligheidspool. Esakinan ta ambtenaarnan cu a wordo manda cas mientras nan tawata wordo paga. Gabinete Wever-Croes desde e principio di gobernacion no a acepta cu mester paga hende mientras nan no ta trahando siendo cu tin cu baha gasto di personal. Cu e maneho di Gabinete Wever-Croes, a logra baha e pool aki te na 30. E deseo sigur di Gobierno ta cu esaki ta na 0 sinembargo e leynan pa yega e ultimo fase no ta 'in place' ainda pa motibo di otro prioridadnan cu a pone cu e leynan mester a warda. Gobierno ta trahando pa logra pa e 30 personanan aki tambe wordo ubica den departamentonan of tuma nan retiro for di servicio di Gobierno.

E tema di overtime tambe tawata un tema di preocupacion cerca CAFT. Den curso di e aña aki, hunto cu CAFT, Gobierno di Aruba a bay di acuerdo pa haci un analisis di e gastonan di overtime den Gobierno na unda cu a sinti un correlacion entre AO halto den Gobierno y Overtime halto den Gobierno. Hopi ta esnan cu ta bay cu AO y consecuentemente demas colega mester traha overtime. Esaki sigur ta un desaroyo cu Gobierno no por sigui sostene. Gobierno tin varios proposicion riba mesa pa traha riba AO halto pa asina baha overtime.

Siman pasa, CAFT a presenta e rapport di e analisis di gastonan

di overtime den cuanan tin bon recomendacionnan concreto cuanan mayoria Gobierno tawata tin conocimiento di nan caba y ta tene cuenta cu nan. Gobierno lo trata e resultado di e rapport cu e departamentonan concerni, cuanan overtime ta hopi halto, entre otro Cuerpo Policial, KIA, Brandweer, Guarda nos Costa, Inmigracion. Despues di esaki, Gobierno lo publica e rapport.

Gastonan di personal ta keda dificil. No tin hopi espacio. Pero mester baha e gastonan aki cu te e gastonan cu aña den aña fo ta keda subi aunke cu no bin niun ambtenaar acerca. Esaki pa motibo cu esnan den servicio di Gobierno ta keda haya aumentonan periodico y bevordering, Tambe e inhaalmanoeuvre di e negosacionnan di sindicato y e Gobierno anterior na aña 2014 na unda ta indica cu e voorjaarspremie y e najaarspremie ta keda subi cada aña.

"Esaki kiermeen cu mientras bo e gastonan ta sigui subi, mester baha gasto, cu ta duna un presion extra grandi. Un reto hopi grandi pa Gobierno di Aruba atende cu n'e. Nos ta preocupa mescos cu CAFT sinembargo no tin motibo pa panico. Gabinete Wever-Croes ta manehando esaki. E aña aki tur cos ta muestra cu nos ta logra y cu mesun fe y determinacion, nos ta percura pa e logra otro aña tambe", Prome Minister Evelyn Wever-Croes a enfatisa.

Un otro tema di discusion tawata impuesto y Gobierno a indica na CAFT di tin comprension pa cu nan preocupacion pero nan no mester mira cu e fondonan cu Aruba tin mester pa cuminsa paga debe, ta bin solamente di Impuesto. Esaki lo bin tambe for di otro entrada cu Gobierno mester bay genera pa cera e buraconan den Presupuesto di pais Aruba. Gobierno a duna un splicacion amplio riba esaki na CAFT.

"E reunion a bay den un bon ambiente. No a toca e tema di un aanwijzing pasobra esaki ya no ta un tema pa papia cu CAFT. Ya na september nan a entrega nan conseho y esaki awo ta fo'i nan man. Mi ta atendiendo cu esaki riba nivel politico cu Hulanda", Prome Minister Evelyn Wever-Croes a duna di conoce.





GOBIERNO DI ARUBA

MINISTER XIOMARA RUIZ-MADURO

MINISTER di Finansa, Asuntonan Economico y Cultura

**CENSO PILOTO**

CBS A REUNI CU TELLERNAN PA EVALUA DIFERENTE ASPECTO DI TRABAO

Tur esaki pa mehora e training y e guia pa e tellersnan pa Censo2020

Daibierna atardi e personal di Oficina Central di Estadistica a reuni cu e personanan cu a fungi como teller durante e Censo Piloto cu a tuma lugar 3-13 di oktober 2019. Durante e atardi aki CBS a pidi e tellersnan pa evalua diferente aspecto di nan trabou y tambe pa duna nos conseho pa mehora e training y e guia pa e tellersnan pa Censo2020.

Punto nan cu a wordo evalua tabata lo siguiente:

- E training pa e tellersnan
- E material cu a wordo usa durante di e training
- E cooperacion di e hogarnan cu a wordo aserca
- E relevancia di e diferente topiconan inclui den e cuestionario
- E comunicaion cu e begeleidersnan di CBS

CBS a pidi conseho di e tellersnan pasobra e calidad di nan



trabou ta determina grandemente e calidad di e datonan colecta. CBS kier a gradici tur teller pa nan trabou y esfuerso brinda durante e Censo Piloto y durante e Censo2020 pasobra Aruba ta conta riba bo!

CAMINATA EDUCATIVO CU POPCORN DANCERS ARUBA

Diabierna ultimo Fundacion Rancho tabata tin e placer di duna un Rancho Walking Tour pa e grupo hoben di Popcorn Dancers Aruba. E grupo consistiendo di mas o menos 20 hoben a bishita e Expo di Caribbean Fair pa despues experiencia e barrio di Rancho. Durante e caminata educativo a pasa bishita e dos monumento industrial den e barrio, pasa den e 4 hanchinan y waak street-art den e barrio.

E caminata a termina na Centro di Actividad Rancho unda e grupo a haya informacion tocante e programa social-cultural cu CAR ta ofrece pa e barrio di Rancho. E bishita a clausura cu un potret cu e grupo y entregamento di e buki di informacion di Rancho na e representante di Popcorn Dancers Aruba. Nos ta spera cu tur hende a enjoy e tour y nos ta gradici Popcorn Dancers Aruba pa e bishita.

Caminata educativo?

Abo tambe ta desea di hasi e tour educativo aki pa un grupo grandi? Manda bo peticion na nos local tour guide Sr. Clifford Rosa pa medio di nos email stichtingrancho@gmail.com



MINISTER DI FINANSA, ASUNTONAN ECONOMICO Y CULTURA

SRA. XIOMARA RUIZ-MADURO

RESUMEN DI SIMAN DI TRABOU 20 PA 25 DI OCTOBER

• Presentacion financiero na Parlamentario Hulandes Sra. Diertens di D66

Team di Bureau Minister di Finansa, Asuntonan Economico y Cultura hunto cu ehecutivonan di Departamento di Finansa a haci un presentacion riba e situacion financiero di Pais Aruba na miembro di Parlamento Hulandes sra. Antje Diertens di e fraccion di D66 den Tweede Kamer. Sra. Diertens ta di bishita na Aruba y a wordo acompaña pa Parlamentarion Croes, Tjong, Yarzagaraay y Bergen di Fraccion di MEP.

Minister Ruiz-Maduro a gradici Parlamentario sra. Antje Diertens pa su interes den e bienestar di Aruba den Reino y ta gradici e Parlamentarionan di Fraccion di MEP y e team di Bureau MinFEC y ehecutivonan di Departamento di Finansa pa a brinda e oportunidad na e Parlamentario Hulandes pa ricibi e informacion importante aki di nos Pais.

• CAFT a entrega rapport riba gastonan di overtime di sector publico

Gobierno ta trahando pa baha gasto di personal. Pa haci esaki na un manera responsabel y efectivo mester haya un bon bista di e factornan cu ta hisa e gastonan di personal. Tin tres factor sigur cu ta hunga un rol pa cu gastonan di personal, gasto di overtime, gasto di subida automatico di salario y gasto relata na overtolligheidspoel. Den e cuadro di e ehercicio grandi y dificil aki cu Gobierno mester eherce, CAFT a tuma e iniciativa pa haci un investigacion riba e gastonan di overtime na e departamentonan ehecutivo di Gobierno manera Polis, KIA, Brandweer y Douane.

Minister Ruiz-Maduro a informa cu CAFT a presenta e resultado di e investigacion aki e siman aki na Minister Presidente sra. Evelyn Wever-Croes, Minister di Justicia Sr. Andin Bikker, y su persona. E mandatario a informa cu pronto Gobierno lo comparti e resultadonan cu e Departamentonan di Gobierno concerni y despues e rapport lo wordo comparti cu publico.

• Minister di Finansa a reuni cu CAFT

Diabierna mainta Minister Ruiz-Maduro a reuni cu CAFT den e reunion regular cu nan ta hiba cu Minister di Finanzas. A trata e ehecucion di presupuesto 2019, preparacion di presupuesto 2020 y e intercambio di informacion basa riba e Ley di LAFT.





MINISTER ANDIN BIKKER

MINISTER di Husticia, Seguridad y Migracion



ARGUMENTO DI PARLAMENTARIO HULANDES VAN DAM PA CAMBIA STATUUT RIBA HUSTICIA NO TA CONVINCE NINGUN HENDE



Di parti Aruba, Ministerio di Husticia kier a haya aclaracion di Hulanda referiendo e mocion cu Parlamentario Sr. Van Dam a presenta den Tweede Kamer. Den e mocion, Sr. Van Dam ta propone pa cambia e Statuut pa haci Husticia un tema di Reino. No obstante votacion riba e mocion aki a keda suspendi un rato, e Parlamentario ta sigui riba e tema. E ta un Parlamentario cu no ta representa un porcentahe grandi di voto y e pregunta ta, si esey ta un opinion di Hulanda.

Minister Bikker cu tur respet a señala cu Hulanda tin diferente reto unda por a mira un rapport reciente cu ta bisa cu Hulanda tin retonan grandi pa loke ta trata criminalidad y tambe di dos wethouder di Den Haag cu mester a retira pa sospecho di corrupcion. Un otro caso ta di un lider di fraccion cu mester a retira pasobra el a haya un Penthouse regalo. Tur e casonan aki ta haci cu Hulanda mes tin diferente reto relaciona cu Husticia

y di parti Aruba ningun momento a bay expresa cualkier tipo di comentario riba nan retonan. Husticia semper ta keda algo cu ta revoluciona y di parti Aruba ningun momento a recomenda pa nan Husticia bay Brussels.

Minister Bikker ta haya hopi remarcabel cu un Parlamentario cada bes ta keda insisti riba e tema aki en bes e wak den su cas prome. E expresionnan aki tin casi un dimension neocolonialismo pasobra basa riba un par di incidente e Parlamentario aki ta keda insisti riba un tema y segun Minister Bikker e no a yega bishita Aruba nunca. Dos Siman pasa Minister Bikker a reuni cu comision di Husticia den Parlamento unda a toca e tema aki y Parlamento di Aruba a bisa cu nan ta uni riba e tema aki y no ta interesa pa bay cambia statuut.

Di parti Minister Bikker e kier haya mas claridad pasobra na Januari tin e JVO Justitieel Vierlandenoverleg caminda e Ministernan di Husticia ta bini hunto pa delibera riba temanan di interes mutuo basa riba igualdad. E claridad cu Minister Bikker kier haya ta, si esaki ta e ambiente cu ta reina na Hulanda y lo evalua un rato si nos uberhaupt lo bay asisti na e JVO. E decision no a ser tuma ainda, pero ta bon si pa haya clarificacion un rato y no bay sinta den un ambiente asina. Parlamentario van Dam no por dicidi riba Aruba pasobra den Statuut ta para kico ta di Reino y kico no ta di Reino.

Minister Bikker ta haya cu ta bon pa Hulanda aclaria esaki y ta bay pidi riba nivel ministerial pa haya un aclaracion pasobra innecesariamente ta dañá relacionnan di cooperacion cu tin cu Hulanda riba tema di Husticia.

october
luna di
conscientisacion di
cancer di pecho

E miho proteccion
ta **deteccion** na tempo!



RESUMEN DI SIMAN DI MINISTERIO DI HUSTICIA, SIGURIDAD Y INTEGRACION BOU ENCARGO DI MINISTER MR. ANDIN BIKKER 21 OCT - 25 OCT, 2019

Cuminsamento di siman Minister di Husticia mr. Andin Bikker a haya grato noticia cu e instalacion di e sistema pa un propio radar pa nos Cuerpo Policial (KPA) ta on schedule y kedando cla, pa asina e siman venidero por cuminsa cu testnan y training pa pronto inaugura e sistema. Un propio radar moderno pa KPA lo contribui substancialmente na optimalisa vigilancia di nos fronteranan, entre otro den cuadro di e retonan sin precedente cu nos pais ta enfrentando desde mas of menos aña 2011 bin ariba, debi na e situacion preocupante na Venezuela.

Minister Bikker semper ta recorda cu leyman ta e software di un pais y cu e velocidad di Gobierno pa por transforma maneho den leyman, ta depende di e cantidad di experto huridico cu por traha conceptionan di ley. Esey ta importante pa amplia e cantidad di huristanan cu tin experticio pa traha conceptionan di ley. Den e cuadro ey, diaranson 23 di October Minister Bikker a reuni cu Sra. Prof. Dr. Flora Goudappel, kende ta Decano di Facultad di Ley na Universidad di Corsou, unda a trata e tema di Academia di Ley. Den e siguiente simannan ta bay concipia un Memorandum of Understanding cu ta bay delinea un acuerdo pa yega na un cooperacion conhuntamente cu University of Curaçao y Universidad di Aruba, pa por train mas hurista den e tecnica di traha ley ('wetgevingstechniek'). Asina lo amplia e cantidad di hurista cu tin experticio pa por yuda update leyman.

Diahuebs 24 di October, Minister Bikker tabata den conferencia di prensa unda el a trece un tema hopi importante cu lo por yuda den cuadro di e retonan financiero. Ta trata di e concepto 'Civic Crowdfunding', caminda sector priva, conhuntamente cu Gobierno, ta traha a base di e concepto di 'crowd funding' pa yuda recauda fondo pa realisa proyectonan comunitario. Den cuadro di esaki ta bay instala un comision cu basicamente ta bay duna conseho na Gobierno si por aplica e concepto aki na Aruba. Na Hulanda e concepto aki a realisa como 829 proyecto na varios municipio, unda entre otro e Stichting DOET ta traha conhuntamente cu Voorjebuurt.nl. (<https://voorjebuurt.nl/nl/>)

Den e mesun conferencia di prensa Diahuebs 24 di October Minister Bikker a trece aclaracion referiendo na e ultimo desaroyo den e caso conoci como 'Speeltuín', caminda cu e mama a sinta castigo desde final di 2017 y recientemente a haya su libertad. Minister Bikker a recorda cu e persona a sinta un castigo y/cu conforme nosCodigo Penal, a delega e decisionnan pa cu libertad condicional na Ministerio Publico y Centrale Raad van Reclustering. E instancianan independiente aki ta dicidi si un preso ta bin na remarca pa libertad condicional y den e caso aki no ta minister a dicidi. E persona a sinta un castigo y Ministerio Publico a mara su libertad condicional na condicion cu e mester haya tratamiento psicologico y guia di Reclustering.

Diabierna 25 di october Minister Bikker a reuni, conhuntamente cu colega minister, cu representantenan di Sindicato SPA, SADA, SEPPA, TOPA y SIMAR, caminda Gobierno a presenta un propuesta balansa y cu ta pas den e cuadro financiero, referiendo e tema di indexering.





MINISTER DANGUI ODUBER

MINISTER di Turismo, Salud y Deporte



30 oktober 2019 lo ta grandi un biaha mas
ISLAND FESTIVAL TA CONTINUA CU DI 5
EDICION HALLOWEEN STYLE!



E gran evento di Island Festival cu ta keda cada biaha masalmente bishita, ta na caminda pa su di 5 edicion. Esaki lo tuma luga un biaha mas den curason di San Nicolas, caminda un y tur ta bon bini pa disfruta di un dushi ambiente y den un forma plentero.

Ya caba for di 7'or di anochi lo inicia e evento cu musica di e agrupacion 'Sodo y Cuero'. Nan ta wordo sigui pa e 'Historical Show' hunto cu 'Massive Brassband' y 'The Popcorn Dancers'. Sin laga afo cu e evento lo haya bishita for di e high rise strip, cu animacion di 'The Joyride Band'.

Island Festival lo introduci pa promer biaha "doorprizes" di diferente premio pa tur esnan cu ta presente. E edicion aki Island Takeover ta bay tin su warmup party hunto cu Island

Festival y pa clausura e anochi lo tin e banda di Tsunami! Tene bon na cuenta cu e evento di Island Festival ta cuminsa semper na ora y ta termina 10'or. Si bo no kier faya niun di e shownan y/of presentacion, wak pa bo tey na tempo.

Durante e evento lo por un biaha mas disfruta di cuminda, bebida y artesanía for di un di e mas di 30 bendedonan presente. E evento di Island Festival ta completamente gratis y ta opera a base di cash solamente.

Nos ta warda bo dia 30 di oktober awo, cuminsando for di 7'or di anochi na e evento tan gusta tanto pa turistanan como personanan local. Pa mas informacion pa sigui nos pagina di Facebook: Island Festival Aruba.



ARUBA MEETS IN *San Nicolas*

Come and experience our local way of life

OCT 30 | 7-10 PM
2019
MAIN STREET, SAN NICOLAS

FREE ENTRY

AUTHENTIC FOOD

SPECTACULAR HISTORICAL SHOW

LIVE BANDS



WWW.ISLANDFESTIVALARUBA.COM



Ministerio di Turismo,
Solubilidad Publico y Deportivo

Mentor di Arubahuis pa Rotterdam/ Vlissingen: John Dirks PLAN PA STUDIA OTRO AÑA: TA DI SUMA IMPORTANCIA PA INSCRIBI PA CAMBER NA TEMPO!



Tur aña Arubahuis ta ricibi un cantidad grandi di estudiante cu ta bin Hulanda pa sigui cu nan estudio na un nivel mas halto. Un di e aspectonan crucial den e preparacionan di e hobennan aki na caminda pa Hulanda ta esun di “buscamento di vivienda”. John Dirks, mentor di Rotterdam y Vlissingen kier a pone enfasis ariba e importancia pa studentenan cu tin pensa di bin studia na Rotterdam pa cuminsa busca camber na tempo. Na tempo ta for di 3e havo of jaar 2 EPI.

Den e region di Rotterdam tin un scarsedad enorme di camber pa estudiante, pues ta esencial pa inscribi bo mes na tempo via e websites di un di e “woningcorporaties”. Asina bo ta core menos riesgo cu na comienso di bo estudio bo no tin camber cu e consecuencia cu bo no por inscribi na Gemeente, bo no por haya bo BSN-nummer y bo no por sigui regla bo asuntonan cu ta importante pa bo por cuminsa cu e aña escolar. John Dirks ta sigui splica cu studentenan cu kier bin studia na Rotterdam por registra nan mes na diferente websites. Tin websites special pa estudiante cu prijs rasonabel manera:

www.stadswonen.nl
www.sshxl.nl
www.holland2stay.com
www.housinganywhere.com
www.thestudenthotel.com/rotterdam/

Tin algun corporacion priva cu tambe ta ofrece camber pa studentenan solamente cu e prijs di huur ta mas halto:
www.thestudenthotel.com/rotterdam/
www.woonstadrotterdam.nl/

www.woneninrotterdam.nl/
www.woonnetrijnmond.nl/

Tambe bo por haña camber via websitenan regular di Rotterdam pero e cambernan no ta barata y ser cauteloso cu pago di antmano.

www.kamernet.nl
www.kamertje.nl
www.kamers.nl

Inscribi bo mes na tempo na diferente website y keda controla bo inscripcion regularmente pa asina bo hisa bo chensnan pa haña un camber bon y ‘pagabel’ na Rotterdam. Esey ta e consejo di John Dirks. Pa mas informacion por tuma contacto cu e mentor na:

Mobiel: +31 (0) 628461408 of via Whatsapp
Email: jdirks@ziggo.nl

E informacion aki tambe ta riba e Facebook pagina Onderwijszaken di Arubahuis y riba website di Departamento di Enseñansa di Aruba.



IMMERSE

INNOVATION WEEK •

MONDAY

Smart Cities & Emerging Technologies Workshop

DELOITTE DIGITAL

Smart Cities, and how the emerging technologies tie into the SDGs for 2030.

Find out WHY: The key to successful innovation

EDUMAX

An interactive workshop helping leaders and individuals at every level understand why customers make the choices they do.

TUESDAY

THE TRANSFORMATION OF HR

GAMMA IT SOLUTIONS

A presentation on how digitalization and new software can impact the future of HR management.

VIDEOMAPPING SESSION

ELITIE PRODUCTIONS

An interactive workshop on the projection technique used to turn objects, often irregularly shaped, into a display surface for projection.

FRIDAY

TIMEBAG CULTURAL

ARUBA ISLAND TAKEOVER

Learn more about digital art from international digital artists.

FROM COLLEGE TO CAREER

DANIEL BOTERO - ARUBA ISLAND TAKEOVER

From college to career! How to jumpstart your career after college.

DEFICIT DI PAIS ARUBA



2014**-9.3
%****GABINETE
ANTERIOR**
2019**-0.5
%****GABINETE
WEVER-CROES**

2013 | 2014 | 2015 | 2016 | 2017 | **2018 | 2019**

NA 2014 E DEFICIT TAWATA -9.3% DI GDP,
AWOR E TA -0.5% Y NOS TA NA CAMINDA PA UN
BALANCED BUDGET.

PASONAN GRANDI DEN CORTO TEMPO!

#huntopaaruba



DEFICIT DI PAIS ARUBA

COMPARA CU DEFICIT
DI PAISNAN GRANDI!

2014

-9.3
%

GABINETE
ANTERIOR

2014

HAPON	-8.4
INDIA	-6.5
MERCA	-5.8
SPAÑA	-5.5
INGLATERA	-5.3
PORTUGAL	-4.0
FRANCIA	-3.8
BRASIL	-3.4
ITALIA	-2.7
HULANDA	-2.7
GRECIA	-2.5
BELGICA	-2.1
CANADA	-2.1
SUECIA	-1.5
CHINA	-1.2
ALEMANIA	-0.2
SUISA	-0.1

OTRO
PAISNAN

NA 2014 E DEFICIT TAWATA

-9.3% DI GDP,

NA TOP DI

VARIOS PAIS GRANDI.

GABINETE WEVER-CROES

A BAHE NA **-0.5%**

DEN MENOS DI 2 AÑA!



GOBIERNO DI ARUBA

UN
Feliz Siman

TUR CAMINDA CU TA DIRIGI NA EXITO
MESTER PASA DEN TRABOU DURO
CU DEDICACION Y DETERMINACION
NOS TA LOGRA E EXITO
CU NOS TA PROPONE